



# SAWA Oos-Kaap



## SAWA Saamtrek: Van Stadens : 16 -18 November 2012

### Naweek nuus...

Dit is weer daardie tyd van die jaar, en met eens besef ons die jaar is verby! Vir die kinders tussen ons (groot en klein) is daar groot opgewondenheid oor Kersfees net om die draai lê! Van ons staan stil en probeer dit alles in neem dat nog 'n jaar verby is – wanneer het dit dan gebeur? Dit voel dan soos gister wat ons reg gemaak het vir Kersfees laas jaar? Nietemin, is ons reg om weer te kamp!




Ons senior burgers het al Woensdag begin kamp. Hulle doen dit in styl Vrydagoggend met 'n Kersontbyt en kuier baie lekker saam voordat die res van ons "nie so Senior burgers" opdaag.



Vrydag arriveer die meeste van die ander kampers en almal skrop nes. (Ons is 50 Karavane vir die naweek) Vrydagaand het ons boekvat en daarna verdaag almal vir so uur en 'n klompie kom terug om Bingo te kom speel.




Dit is nou 'n lekker manier om die week af te sluit! Yvette lees nommers af en ons soek tussen al die kaarte die nommers. Benji moet spook om by te bly om die nommers neer te skryf vir almal (indien jy dit dalk gemis het).



Na 'n paar rontes, gaan almal weer terug na hulle karavane toe om die aand te geniet. Die vure brand weer hoog, en almal kuier lekker saam. Dankie Benji, Yvette en gesin vir die organiseering .

Saterdagoggend begin die kamp vroeg beweeg! Vinnig word die saal versier met Kersversierings en die kinders begin van 11uur af kerskaartjies maak. Dit was groot pret! Almal knip, plak, teken, verf en geniet hulle self! (Weereens kom die kind in van die groter mense uit)



Later die middag is dit tyd om die Kersboodskap te kry. Dit vind plaas in die vorm van 'n poppekas. Die Human familie het al die pad van Hanover vir SAWA Oos-Kaap kom kuier. Almal geniet dit baie, en ons word herinner aan die Grootste Geskenk van Kersfees – Jesus! Ons sing daarna lekker saam aan 'n paar kersliedjies.



Uiteindelik het die tyd aangebreek waarvoor ons kinders nou al so lank wag! Kersvader kom kuier. Geskenkies, kers "crackers" en lekker goed pakkies word uitgedeel. Ons Snr Burgers kry ook 'n lekker pakkie koekies. Dit was nou 'n lekker dag. Ons almal kuier weer lekker saam die aand.



Sondagoggend, kom preek Ds Marius Lourens, van die NG Kerk Vanstadensrivier, vir ons. Wat 'n wonderlike manier om 'n naweek af te sluit met so wonderlike boodskap.



Tannie Elria Stanford was die gelukkige wenner van die kerskoek.

## **Streek & algemene plaatjies...**

160 streek – Willie en Jackie Conradie

100 algemeen – Eddie en Tania Deyzel

30 streek – Marius en Beata Janse van Rensburg

75 algemeen – Steven en Sandra Meyer

20 streek en 25 algemeen – Gerhard en Annemarie Momberg



Na die diens kuier almal saam met koffie en eetgoed in die saal.



Almal gaan terug karavane toe, en skielik is die naweek verby. Party geniet nog die lekker sonnetjie vir die dag, braai eers, en vertrek weer terug huis toe.

Baie dankie aan almal wat die naweek moontlik gemaak het. Daar is te veel om name te noem. Mag julle almal 'n Geseënde Kersfees beleef en 'n fantasiese 2013. Vir die wat weg gaan met vakansie, kom veilig weer terug.

*Kamp Groete*

*Dina & Anton Claasen*

## **Kontak besonderhede...**

Die besondere karavaanpark kyk uit oor die Van Stadensriviermond, die see en die sandduine. Al die staanplekke het elektrisiteit en daar is vullisblikke, sowel as skoon lopende water naby elke staanplek. Maksimum van 4 mense per staanplek met die opsie om te betaal vir nog 2. Adres: 2 Sunshine Coast, Port Elizabeth, Oos-Kaap

Tel: +27 41 776 1059

G.P.S koordinate: Suid: 33° 58' 5" Oos: 25° 13' 35"

